

全上古三代秦漢三國六朝文

全後漢文卷九十二

烏程嚴可均校輯

陳琳

琳字孔璋，廣陵人。初爲大將軍何進府主簿，後避亂冀州，依袁紹。冀州平，司空曹操召爲軍謀祭酒，管記室。徙門下督，有集十卷。

大暑賦

土潤溽呂，歎烝時。洪烈已溷濁，溫風鬱其彤彤。譬炎火之燭燭，初學

止欲賦

媛哉逸女，在余東濱。色曜春華，豔過頤人。乃遂古其寡儔，固當世之無鄰。允宜國而寧家，實君子之攸嬪。伊余情之是說，志荒溢而傾移。宵炯炯已不寐，晝舍食而忘飢。歎此風之好我，美攜手之同

歸忽日月之徐邁庶枯楊之生梯欲語言于玄鳥玄鳥逝已差池

二語依文選注補道攸長而路阻河廣濶而無梁雖金予而欲往非

一葦之可航展余轡已言歸含惜瘁而就牀忽假瞑其若寐夢所

懼之來征魂翩翩已遙懷若交好而通靈

藝文類聚十八

武軍賦

并序

迴天軍于易水之陽已計瓚焉鴻溝參周鹿狐十里薦之已棘爲
建修植干青霄竄深隧下三泉飛雲梯衝神鉤之具不在孫吳之
篇三略六韜之術者凡數十事祕莫得聞也乃作武軍賦曰

赫赫哉烈烈矣于此武軍當天符之佐運承斗剛而曜震漢季世
之不辟青龍紀乎大荒熊狼競已拏攫神寶播乎鎬京于是武臣
赫然厲炎天之隆怒叫諸夏而號八荒爾乃擬北落而樹表踰壘
壁已結營百校羅峙千部列陳彌方城掩平原于是啟明戒旦長
庚告昏火烈具舉鼓角並震整行按律浹敵中原八部方置山布

星陳干戈森其若林牙旗翻日如繪千徒從唱億夫求和聲奮騰
而動山光赫奕弓燭夜其刃也則楚金越冶棠谿名工清堅皓鏐
修刺銳鋒陸陷蕊犀水截輕鴻鎧則東胡闕鞏百鍊精剛面師振
椎韋人制縫玄羽縹甲灼爚流光弩則幽都筋骨恆山檠幹通肌
賜骨崇縑曲煙大黃沈紫直矢輕弦當鋒摧決貫遐洞堅其弓則
烏號越棘繁弱角端象弭繡質哲柑文身矢則申息肅慎箇籥空
疏焦銅毒鐵箛鏃鳴鏃麗轂捷駟馬則飛雲絕景直髻駟騶駁龍
紫鹿文的躡魚走駿驚颺步象雲浮斂鞍則止受銜斯游鉤車轆
轤九牛轉牽雷響電激折櫓倒垣其攻也則飛梯臨雲行閣虛溝
上通紫電下過三壚蘊隆既備越有神鉤排雷衝則殲高雉烈炬
然則頓名樓衝鉤競進熊虎爭先墮垣百疊敝樓數千炎燧四舉
元戎齊登若乃清道整列按節徐行龍姿鳳峙灼有遺英南轅反
旆爰整其旅胡馬駢足戎車齊軌

魏文類聚五十九初學記二十
二引三條御覽三百三十六又

三百四十七又三百四十八三百五十又三百五十六三百五十八

神武賦并序

建安十有二年大司空武平侯曹公東征烏丸六軍破介雲輜萬乘治兵易水次于北平可謂神武奕奕有征無戰者已夫闔巢穴者未可與論六合之廣游潢汙者又烏知滄海之深大人之量固非說者之所可識也

藝文類聚五十九書鈔一百五十八

佇盤桓已淹次乃申命而後征觀狄民之故上追大晉之遐蹤惡先穀之懲寇善魏絳之和戎受金石而弗伐蓋禮樂而思終陵九城而上濟起齊軌乎玉繩車軒轅于雷室騎浮厲乎雲宮暉曜連平白日旂旗繼于電光旆旆軼乎白狼殿未出乎盧龍威凌天地勢括十衝單鼓未伐虜已潰崩克俊馘首梟其魁雄爾乃總輯瓊珍茵氈幕幄攘瓔帶佩不飾雕琢華瑤玉瑤金麟牙鹿文貝紫瑛縹碧玄綠黼錦續組爛熳皮服

藝文類聚五十九

神女賦

漢三七之建安。荆野蠢而作仇。贊皇師曰南假。濟漢川之清流。感詩人之攸歎。想神女之來遊。儀營魄于髣髴。託嘉夢曰通精。望陽侯而瀟灑。視玄麗之軼靈。文絳糾之奕奕。鳴玉鸞之嚶嚶。答玉質于茗華。擬豔姿于薜榮。感仲春之和節。歎鳴雁之唯唯。申握椒曰貽予。請同宴乎粵房。苟好樂之嘉合。永絕世而獨昌。既歎爾曰。采又說我之長期。順乾坤曰成性。夫何若而有辭。藝文類聚七十九

大荒賦

假龜筮曰貞吉。問神諭曰休詳。初學記二十

迷迭賦

立碧莖之嫋嫋。鋪綵條之蜿蟺。下扶疏曰布濩。上綺錯而交紛。匪荀方之可樂。實來儀之麗閑。動容飾而發微。穆斐斐曰承顏。藝文類聚

八十一御覽
九百八十二

馬腦勒賦

并序

五官將得馬腦目為寶勒美其英采之光豔也使琳賦之

書鈔一百二十

六御覽三百五十八

諛謠溪之寶岸臨赤水之朱陂

御覽八百八

爾乃他山為錯荆和為理制為寶勒目御君子

御覽三百五十八

柳賦

偉姿逸態英豔妙奇綠條縹葉雜還纖麗龍鱗鳳翼綺錯交施蔚

曇曇其杳藹象翠蓋之葳蕤

初學記二十八

鸚鵡賦

咨乾坤之兆物萬品錯而殊形有逸姿之令鳥含嘉淑之哀聲抑

振鷺之素質被翠羽之縹精

藝文類聚九十一

案張溥本有為袁紹上漢帝書與公孫瓚書拜烏丸三王為單于版文此三篇出琳手容或有之但無實證今編入袁紹文

諫何進召外兵

易稱卽鹿無虞諺有掩目捕雀夫微物尙不可欺目得志沉國之
大事其可已詐立乎今將軍總皇威提兵要龍驤虎步高下在心
此猶鼓洪鑪燎毛髮耳夫違經合道天人所順而反委釋利器更
徵外助大兵聚會彊者爲雄所謂倒持干戈授人自柄功必不成
祇爲亂階

後漢何進傳

答東阿王牋

琳死罪死罪昨加恩辱命并示龜賦披覽粲然君侯體高世之才
秉青萍干將之器拂鐘無聲應機立斷此乃天然異稟非鑽仰者
所庶幾也音義既遠清辭妙句焱絕煥炳譬猶飛兔流星超山越
海龍驤所不敢追況于駑馬可得齊足夫聽白雪之音觀綠水之
節然後東野巴人蚩鄙益著載懽載笑欲罷不能謹輶橫玩耽目
爲吟頌琳死罪死罪

文選初學記二十八

更公孫瓚與子書

蓋聞在昔衰周之世，僵尸流血，已爲不然。豈意今日身當其衝，袁氏之攻，佯若神鬼，鼓角鳴于地中，梯衝舞吾樓上，日窮月蹙，無所聊賴。汝當碎首于張燕，速致輕騎，到者當起烽火于北。吾當從內出，不然，吾亡之後，天下雖廣，汝欲求安足之地，其可得乎？魏志公孫瓚傳

注引典略云：紹使陳琳更其書云云。

答張紘書

自僕在河北，與天下隔，此間率少于文章，易爲雄伯，故使僕受此過差之譴，非其實也。今景興在此，足下與子布在彼，所謂小巫見大巫，神氣盡矣。吳志張紘傳注引吳書

爲曹洪與魏太子書

十一月五日洪白：前初破賊，情多意奢，說事頗過其實。得九月二十日書讀之，喜笑把玩，無厭。亦欲令陳琳作報，琳頃多事，不能得爲。念欲遠日爲懼，故自竭老夫之思，辭多不可一一，粗舉大綱，已

當談笑漢中地形實有險固四嶽三塗皆不及也彼有精甲數萬
臨高守要一人揮戟萬夫不得進而我軍過之若駭鯨之決細網
奔兕之觸魯縞未足已喻其易雖云王者之師有征無戰不義而
彊古人常有故唐虞之世蠻夷猾夏周宣之盛亦讎大邦詩書歎
載言其難也斯皆憑阻恃遠故使其然是已察茲地勢謂爲中才
處之殆難倉卒來命陳彼妖惑之罪敘王師曠蕩之德豈不信然
是夏殷所已喪苗扈所已斃我之所已克彼之所已敗也不然商
周何已不敵哉昔鬼方蟬昧崇虎讒凶殷辛暴虐三者皆下科也
然高宗有三年之征文王有退脩之軍盟津有再駕之役然後殪
戎勝殷有此武功焉有星流景集颶奪霆擊長驅山河朝至暮捷
若今者也由此觀之彼固不逮下愚則中才之守不然明矣在中
才則謂不然而來示乃已爲彼之惡稔雖有孫田墨黷猶無所救
竊又疑焉何者古之用兵敵國雖亂尙有賢人則不伐也是故三

仁未去。武王還師。宮奇在虞。晉不加戎。季梁猶在。彊楚挫謀。暨至
眾賢奔紕。三國爲墟。明其無道。有人猶可救也。且夫墨子之守。縈
帶爲垣。高不可登。折箸爲械。堅不可入。若乃距陽平。據石門。據八
陣之列。騁奔牛之權焉。冒土崩魚爛哉。設令守無巧拙。皆可攀附。
則公輸已陵宋城。樂毅已拔卽墨矣。墨翟之術。何稱田單之智。何
貴老夫不敏。未之前聞。蓋聞過高唐者。效王豹之謳。遊睢渙者。學
藻繪之綵。開自入益部。仰司馬楊王遺風。有子勝斐然之志。故頗
奮文辭。異于他日。怪乃輕其家。且謂爲倩人。是何言歟。夫綠驥垂
耳于林垌。鴻雀戢翼于汗池。藝之者固已爲園囿之凡鳥。外廢之
下乘也。及整蘭筋。揮勁鬪。陵厲清浮。顧盼千里。豈可謂其借翰于
晨風。假足于六駿哉。恐猶未信。上言必大噓也。洪白。文選

爲袁紹檄豫州

左將軍領豫州刺史郡國相守。蓋聞明主圖危。已制變。忠臣慮難。

曰立權是曰有非常之人然後有非常之事有非常之事然後立非常之功夫非常者故非常人所擬也曩者彊秦弱主趙高執柄專制朝權威福由己時人迫脅莫敢正言終有望夷之敗祖宗焚滅汗辱至今永爲世鑒及臻呂后季年產祿專政內兼二軍外統梁趙擅斷萬機決事省禁下凌上替海內寒心于是絳侯朱虛興兵奮怒誅夷逆暴尊立太宗故能王道興隆光明顯融此則大臣立權之明表也司空曹操祖父中常侍騰與左悺徐璜竝作妖孽饗養放橫傷化虐民父嵩乞匄攜養因賊假位與金輦璧輪貨權門竊盜鼎司傾覆重器操贅閭遺醜本無懿德獍狔鋒協好亂樂禍幕府董統鷹揚掃除凶逆續遇董卓侵官暴國于是提劍揮鼓發命東夏收羅英雄棄瑕取用故遂與操同諮合謀授曰裨師謂其鷹犬之才爪牙可任至乃愚佻短略輕進易退傷夷折衄數喪師徒幕府輒復分兵命銳脩完補輯表行東郡領兗州刺史被曰

虎文獎職威柄冀獲秦師一尅之報而操遂承資拔扈肆行凶忒
割剝元元殘賢害善故九江太守邊讓英才俊偉天下知名直言
正色論不阿諂身首被梟懸之誅妻孥受灰滅之咎自是士林憤
痛民怨彌重一夫奮臂舉州同聲故躬破于徐方地奪于呂布彷徨
東裔蹈據無所幕府惟彊幹弱枝之義且不登叛人之黨故復
援旌擐甲席卷起征金鼓響振布眾奔沮拯其死亡之患復其方
伯之位則幕府無德于兗土之民而有大造于操也後會鸞駕反
旆羣虜寇攻時冀州方有北鄙之警匪遑離局故使從事中郎徐
勣就發遣操使繕脩郊廟翊衛幼主操便放志專行脅遷當御省
禁卑侮王室敗法亂紀坐領三臺專制朝政爵賞由心刑戮在口
所愛光五宗所惡滅三族羣談者受顯誅腹議者蒙隱戮百寮鉗
口道路目目尚書記朝會公卿充員品而已故太尉楊彪典歷二
司享國極位操因緣睚眦被已非罪榜楚參并五毒備至觸情任

心不願盡綱。又議郎趙彥忠諫直言。義有可納。是日聖朝舍聽。改容加飾。操欲迷奪時明。杜絕言路。擅收立殺。不俟報聞。又梁孝王先帝母昆。墳陵尊顯。桑梓松柏。猶宜肅恭。而操帥將吏士。親臨發。楓破棺。裸尸。掠取金寶。至令聖朝流涕。士民傷懷。操又特置發丘中郎將。模金校尉。所遇隳突。無骸不露。身處三公之位。而行桀虜之態。汗國虐民。毒施人鬼。加其細政苛慘。科防互設。習繳充蹊。坑堦塞路。舉手挂網羅。動足觸機陷。是日充豫有無聊之民。帝都有吁嗟之怨。歷觀載籍。無道之臣。貪殘酷烈。于操爲甚。幕府方詰外姦。未及整訓。加緒含容。冀可彌縫。而操豺狼野心。潛包禍謀。乃欲摧撓棟梁。孤弱漢室。除滅忠正。專爲梟雄。往者伐鼓北征。公孫瓚彊寇桀逆。拒圖一年。操因其未破。陰交書命。外助王師。內相掩襲。故引兵造河。方舟北濟。會其行人發露。瓚亦梟夷。故使鋒芒挫縮。厥圖不果。爾乃大軍過蕩西山。屠各左校。皆束手奉質。爭爲前登。

犬羊殘醜消淪山谷。于是操師震懼。晨夜逋遁。屯據敖倉。阻河爲固。欲以螭蝮之斧。禦隆車之隙。幕府奉漢威靈。折衝宇宙。長戟百萬。胡騎千羣。奮中黃育獲之士。騁良弓勁弩之勢。并州越太行。青州涉濟漯。大軍汎黃河而角其前。荊州下宛葉而倚其後。雷霆虎步。並集虜庭。若舉炎火。日崩飛蓬。覆滄海。日沃燦炭。有何不滅者哉。又操軍吏士。其可戰者。皆出自幽冀。或故營部曲。咸怨曠思歸。流涕北顧。其餘充饒之民。及呂布張揚之遺眾。覆亡迫脅。權時苟從。各被創痍。人爲讎敵。若迴旆方徂。登高岡而擊鼓吹揚。素揮曰。啟降路。必土崩瓦解。不俟血刃。方今漢室陵遲。綱維弛絕。聖朝無一介之輔。股肱無折衝之勢。方畿之內。簡練之臣。皆垂頭搨翼。莫所憑恃。雖有忠義之佐。脅于暴虐之臣。焉能展其節。又操持部曲。精兵七百。圍守宮闕。外託宿衛。內實拘執。懼其篡逆之萌。因斯而作。此乃忠臣肝腦塗地之秋。烈士立功之會。可不勗哉。操又矯命

稱制遣使發兵恐邊遠州郡過聽而給與彊寇弱主違置旅叛舉
呂喪名爲天下笑則明哲不取也即日幽作青冀四州並進書到
荊州使勒見兵與建忠將軍協同聲勢州郡各整戎馬羅落境界
舉師揚威並匡社稷則非常之功于是乎著其得操首者封五千
戶侯賞錢五十萬部曲偏裨將校諸吏降者勿有所問廣宣恩信
班揚符賞布告天下咸使知聖朝有拘逼之難如律令

文選又見後漢袁紹

傳又見魏志袁紹傳注引魏氏春秋並有刪節

檄吳將校部曲文

年月朔日子尙書令或告江東諸將校部曲及孫權宗親中外蓋
聞禍福無門惟人所召夫見機而作不處凶危上聖之明也臨事
制變困而能通智者之慮也漸漬荒沈往而不反下愚之蔽也是
呂大雅君子于安思危呂遠咎悔小人臨禍懷佚呂待死亡二者
之量不亦殊乎孫權小子未辨菽麥要領不足呂齊斧名字不

足呂泂簡墨嘗猶穀卵始生翰毛而便陸梁放肆顧行吠主謂爲舟楫足呂距皇威江湖可呂逃靈誅不知天網設張呂在網目繫錢之魚期于消爛也若使水而可恃則洞庭無三苗之墟子陽無荆門之敗朝鮮之壘不刊南越之旂不拔昔夫差承閭閻之遠迹用申胥之訓兵棲越會稽可謂彊矣及其抗衡上國與晉爭長搢城屠于句踐武卒散于黃池終于覆滅身罄越軍及吳王渾驕恣屈彊猖獗始亂自呂兵彊國富勢陵京城太尉帥師甫下滎陽則七國之軍瓦解冰泮渾之罵言未絕于口而丹徒之刃已陷其胸何則天威不可當而悖逆之罪重也且江湖之眾不足恃也自董卓作亂呂迄于今將三十載其間豪傑縱橫能據虎踞彊如二袁勇如呂布跨州連郡有威有名十有餘輩其餘鋒捍特起鸛視狼顧爭爲梟雄者不可勝數然皆伏鈇嬰鉞首腰分離雲散原燎罔有子遺近者關中諸將復相合聚積爲叛亂阻二華據河渭驅率

羌胡齊鋒東向氣高志遠似若無敵丞相秉鉞鷹揚順風烈火元
戎啟行未鼓而破伏尸千萬流血漂橈此皆天下所共知也是後
大軍所召臨江而不濟者召韓約馬超逋逸進脫走還涼州復欲
鳴吠逆賊宋建僭號河首同惡相救竝爲脅齒又鎮南將軍張魯
負固不恭皆我王誅所當先加故且觀兵旋旆復整六師長驅西
征致天下誅偏將涉隴則建約梟夷旃首萬里軍入散關則羣氏
率服王侯豪帥奔走前驅進臨漢中則陽平不守十萬之師土崩
魚爛張魯通竄走入巴中懷恩悔過委質還降巴夷王朴胡賁邑
侯杜濩各帥種落共舉巴郡召奉王職鉦鼓一動二方俱定利盡
西海兵不鈍鋒若此之事皆上天威明社稷神武非徒人力所能
立也聖朝寬仁覆載允信允文大赦爵命召示四方魯及胡濩皆
享萬戶之封魯之五子各受千室之邑胡濩子弟部曲將校爲列
侯將軍已下千有餘人百姓安堵四民反業而建約之屬皆爲鯨

鯢超之妻挈焚首金城。父母嬰孩覆尸許市。非國家鍾禍于彼。降福于此也。順逆之分。不得不然。夫鷙鳥之擊先高。攫鷙之勢也。牧野之威。孟津之退也。今者枳棘翦扞。戎夏日清。萬里肅齊。六師無事。故大舉天師百萬之眾。與匈奴南單于呼完廋及六郡烏桓丁令屠各。涅中羌僰。靈輦席卷。自壽春而南。又使征西將軍夏侯淵等。率精兵五萬。及武都氐羌巴漢銳卒。南臨汶江。搃據庸蜀。江夏襄陽諸軍。橫截湘沅。已臨豫章。樓船橫海之師。直指吳會。萬里尅期五道並入。權之期命。于是至矣。丞相銜奉國威。爲民除害。元惡大憝。必當梟夷。至于枝附葉從。皆非詔書所特禽疾。故每破滅強敵。未嘗不務在先降後誅。拔將取才。各盡其用。是已立功之士。莫不翹足引領。望風響應。昔袁術僭逆。王誅將加。則廬江太守劉勳先舉其郡還歸國家。呂布作亂。師臨下邳。張遼疾成。率眾出降。還討眭固。薛洪。穆尙聞城就化。官渡之役。則張郃高奩舉事立功。後

討袁尙則都督將軍馬延故豫州刺史陰夔射聲校尉郭昭臨陣
來降圍守鄴城則將軍蘇游反爲內應審配兄子開門入兵旣誅
袁譚則幽州大將焦觸攻逐袁熙舉事來服凡此之輩數百人皆
忠壯果烈有智有仁悉與丞相參圖畫策折衝計難芟敵舉旗靜
安海內豈輕舉措也哉誠乃天啟其心計深慮遠審配正之津明
可否之分勇不虛死節不苟立屈身變化唯道所存故乃建丘山
之功享不訾之祿朝爲仇虜夕爲上將所謂臨難知變轉禍爲福
者也若夫說誘甘言懷寶小惠泥滯苟且沒而不覺隨波漂流與
燖俱滅者亦甚衆多吉凶得失豈不哀哉昔歲軍在漢中東西懸
隔合肥遺守不滿五千權親引數萬之衆破敗奔走今乃欲當禦
雷霆難曰冀矣夫天道助順人道助信事上之謂義親親之謂仁
盛孝章君也而權誅之孫輔兄也而權殺之賊義殘仁莫斯爲甚
乃神靈之逋罪下民所同讎辜讎之人謂之凶賊是故伊摯去夏

不爲傷德飛廉死紂不可謂賢何者去就之道各有宜也丞相深
惟江東舊德名臣多在載籍近魏叔英秀出高時著名海內虞文
繡砥礪清節耽學好古周泰明當世雋彥德行脩明皆宜膺受多
福保乂子孫而周盛門戶無辜被戮遺類流離湮沒林莽言之可
爲愴然聞魏周榮虞仲翔各紹堂構能負析薪及吳諸顧陸舊族
長者世有高位當報漢德顯祖揚名及諸將校孫權婚親皆我國
家良寶利器而竝見驅逐兩絕于天有斧無柯何曰自濟相隨顛
沒不亦哀乎蓋鳳鳴高岡曰遠尉羅賢聖之德也鷦鷯之鳥巢于
葦苕苕折子破下愚之惑也今江東之地無異葦苕諸賢處之信
亦危矣聖朝開弘曠蕩重惜民命誅在一人与眾無忌故設非常
之賞曰待非常之功乃霸夫烈士奮命之良時也可不勉乎若能
翻然大舉建立元勳曰應顯祿福之上也如其未能竿量大小曰
存易亡亦其次也夫係蹠在足則猛虎絕其蹠螭蛇在手則壯士

斷其節何則。曰其所全者重。曰其所棄者輕。若乃樂禍懷靈。迷而忘復。闇大雅之所保。肯先賢之去就。忽朝陽之安。甘折臂之未日。忘一日。曰。呂至覆沒。大兵一放。王后俱碎。雖欲救之。亦無及已。故令往購。募爵賞。科條如左。檄到。詳思至言。如詔律令。文選又略見魏文類聚五十八應譏

客有譏余者云。聞君子動作周旋。無所苟而已矣。今主君鍾陰陽之美。總賢聖之風。固非世人所能及。遭豺狼肆虐。社稷隕傾。既不能抗節服義。與主存亡。而背枉違難。耀茲武功。徒獨震撲山東。剝落元元。結疑本朝。假拒羣姦。使已蒙尊爵之諡。而他人受討賊之勳。捐功棄力。曰德取怨。今賤文德而貴武勇。任權諂而背舊章。無乃非至德之純美。而有闕于後人哉。主人曰。是何言也。夫兵之設。亦久矣。所曰威不軌而懲淫慝也。夫申鳴違父。樂羊食子。季友鳩兄。周公戮弟。猶忍而行之。王事所不得已也。而況將避讖慝之嫌。

棄社稷之難、愛暫勞之民、忘永康之樂、此庸夫猶所不爲、何有冠
世之士哉、昔洪水滔天、汎濫中國、伯禹躬之、過門而不入、率萬方
之民、致力乎溝洫、及至簫韶九成、百獸率舞、垂拱無爲、而天下晏
如、夫豈前好勤而後媮樂乎、蓋曰彼勞求斯逸也、夫世治責人曰
禮、世亂則考人曰功、斯各一時之宜、故有論戰陣之權于清廟之
堂者、則狂矣、陳俎豆之器于城濮之墟者、則悖矣、是曰達人君子
必相時、曰立功必揆宜、曰處事孝靈既喪、嬖官放禍、棟臣殘酷、宮
室焚火、主君乃芟囚族、夷惡醜、蕩滌朝姦、清澄守職也、既乃卓爲
封蛇、幽鳩、帝后強、曰暴國、非力所討、遠而去之宜也、是故天贊人
和、無思不至、用能合師百萬、若運諸掌者、義也、今主君曰寬弘爲
宇、仁義爲廬、若地之載、如天之蓋、故當其聞管籥之聲、則恐民之
病也、見羽毛之美、則懼士之勞也、察稼穡之不時、則惟民之匱也、
臨臺觀之崇高、則恤役之病也、是曰虚心恭己、取人之謨、闢四門、

廣諫路貴謫言。賤巧僞。虛不專行功。不擅美。谷事若不及求。譽恐
不聞。用能使賢智者盡其策。勇敢者竭其身。故舉無遺闕。而風烈
宿宣也。其文類聚二十五

韋端碑

撰勒洪伐式昭德音

文選七
命注

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷九十一終

全後漢文卷九十三

烏程嚴可均校輯

阮瑀

瑀字元瑜陳畱人師事蔡邕建安中司空曹操召爲軍謀祭酒
管記室遷倉曹掾有集五卷

紀征賦

仰天民之高衢兮慕在昔之遐軌希篤聖之崇綱今惟弘哲而爲
紀同天工而人代兮匪賢智其能使五材陳而竝序靜亂由乎干
戈惟蠻荆之作讎符治兵而濟河遂臨河而就濟瞻禹績之茫茫
距疆澤曰潛流經崑崙之高岡目幽蒙曰廣衍遂霑濡而難量魏
類聚五十九

止欲賦

夫何淑女之佳麗顏灼灼曰流光歷千代其無匹超古今而特章

執妙年之方盛性聰惠曰和良稟純潔之明節後申禮曰自防重
行義曰輕身志高尚乎貞姜子情說其美麗無須臾而有忘思桃
夭之所宜願無衣之同裳懷紆結而不賜兮魂一夕而九翔出房
戶曰踟躕覩天漢之無津傷匏瓜之無偶悲織女之獨勤還伏枕
曰求寐庶通夢而交神神惚恍而難遇思交錯曰繽紛遂終夜而
靡見東方旭曰既晨知所思之不得乃抑情曰自信藝文類聚十八

佇延首曰極視今意謂是而復非

文選謝宣遠張子房詩注范滂
龍贈張稷詩注曹顏遠思友人

詩注謝玄暉齊敬
皇后哀冊文注

箏賦

惟夫箏之奇妙極五音之幽微苞羣聲曰作主冠眾樂而爲師稟
清和于律呂籠絲木曰成資身長六尺應律數也故能清者感天
濁者合地五聲竝用動靜簡易大興小附重發輕隨折而復扶循
覆逆間浮沈抑揚升降綺靡殊聲妙巧不識其爲平調定均不疾

不徐遲速合度。君子之衡也。慷慨磊落。卓礫盤紆。壯士之節也。曲
局和寡。妙妓雖工。伯牙能琴。于茲爲朦。傲憚翁純。庶配其蹤。延年
新聲。豈比能同。陳惠李文。曷能是逢。蘇文類聚四十四
初學記十六兩引

鸚鵡賦

惟翩翩之豔鳥。誕嘉類于京都。穢夷風而弗處。慕聖惠而來徂。被
坤文之黃色。服離光之朱彤。配秋英以離綠。苞天地以耀榮。蘇文
類聚

九十

謝曹公牋

一得披玄雲。望白日。惟力是視。敢有二心。文選謝靈運擬魏
太子鄴中集詩注

爲曹公作書與孫權

離絕日來。于今三年。無一日而忘前好。亦猶姻媾之義。恩情已深。
違異之恨。中間尙淺也。孤懷此心。君豈同哉。每覽古今所由改趣。
因緣侵辱。或起瑕釁。心忿意危。用成大變。若韓信傷心于失楚。彭

寵積望于無異。盧綰嫌畏于已隙。英布憂迫于情漏。此事之緣也。孤與將軍恩如骨肉。割授江南。不屬本州。豈若淮陰捐舊之恨。抑遏劉馥。相厚益隆。寧放朱浮顯露之奏。無匿張勝賁故之變。匪有陰構賁赫之告。固非燕王淮南之豎也。而忍絕王命。明棄碩交。實爲佞人所構會也。夫伯是之言。莫不動聽。因形設象。易爲變觀。示之曰禍難激之曰恥辱。大丈夫雄心。能無憤發。昔蘇秦說韓。羞曰牛後。韓王按劍作色而怒。雖兵折地割。猶不爲悔。人之情也。仁君年壯氣盛。緒信所嬖。旣懼患至。兼懷忿恨。不能復遠度孤心。近慮事勢。遂齎見薄之決計。秉翻然之成議。加劉備相扇揚。事結豎連。推而行之。想賜本心。不願于此也。孤之薄德。位高任重。幸蒙國朝將奉之運。蕩平天下。懷集異類。喜得全功。長享其福。而姻親坐離。厚援生隙。常恐海內多日相責。日爲老夫苞藏禍心。陰有鄭武取胡之詐。乃使仁君翻然自絕。日是忿忿。懷慙反側。常思除棄小事。

更申前好。二族俱榮。流祚後嗣。曰明雅素中誠之效。抱懷數年。未得散意。昔赤壁之役。遭離疫氣。燒船自還。曰避惡地。非周瑜水軍所能抑挫也。江陵之守。物盡穀殫。無所復據。徙民還師。又非瑜之所能敗也。荆土本非已分。我盡與君。冀取其餘。非相侵肌膚有所割損也。思計此變。無傷于孤。何必自遂于此。不復還之。高帝設爵。曰延田橫。光武指河而誓朱鮪。君之負累。豈如二子。是曰至情。願聞德音。往年在譙。新造舟船。取足自載。曰至九江。貴欲觀湖澤之形。定江濱之民耳。非有深入攻戰之計。將恐議者大爲己榮。自謂策得。長無西患。重曰此故。未冒迴情。然智者之慮。慮于未形。達者所規。規于未兆。是故子胥知姑蘇之有麋鹿。斬果識智伯之爲趙禽。穆生謝病。曰免楚難。鄒陽北遊。不同吳禍。此四士者。豈聖人哉。徒通變思深。曰微知著耳。曰君之明。觀孤術數。量君所據。相計土地。豈勢少力乏。不能遠舉。割江之表。寘安而已哉。甚未然也。若恃

水戰臨江塞要欲令王師終不得渡亦未必也夫水戰千里情巧萬端越爲三軍吳曾不禦漢潛夏陽魏豹不意江河雖廣其長難衛也凡事有宜不得盡言將脩舊好而張形勢更無已威晉重敵人然有所恐恐書無益何則往者車逼而自引還今日在遠而興慰納辭遜意狹謂其力盡適已增驕不足相動但明效古當自圖之耳昔淮南信左吳之策漢愧器納王元之言彭寵受親吏之計三夫不寤終爲世笑梁王不受讒勝竇融斥逐張玄二賢旣覺福亦隨之願君少留意焉若能內取子布外擊劉備已效赤心用復前好則江表之任長已相付高位重爵坦然可觀上令聖朝無東顧之勞下令百姓保安全之福君享其榮孤受其利豈不快哉若忽至誠自處僥倖婉彼二人不忍加罪所謂小人之仁大仁之賊大雅之人不肖爲此也若憐子布願言俱存亦能傾心去恨順君之情更與從事取其後善但禽劉備亦是爲效開設二者審處一

焉聞荆楊諸將並得降者皆言交州爲君所執豫章距命不承執事疫旱並行人兵減損各求進軍其言云云孤聞此言未日爲訕然道路旣遠降者難信幸人之災君子不爲且又百姓國家之有加懷區區樂欲崇和庶幾明德來見昭副不勞而定于孤益貴是故按兵守次遣書致意古者兵交使在其中願仁君及孤虚心回意日應詩人補袞之歎而慎周易牽復之義濯鱗清流飛翼天衢良時在茲勛之而已

文選魏文類聚二十五

爲曹公與劉備書

披懷解帶投分寄意

文選潘岳金谷集作詩注

文質論

蓋聞日月麗天可瞻而難附羣物著地可見而易制夫遠不可識文之觀也近而易察質之用也文虛質實遠疏近密援之斯至動之應疾兩儀通數固無攸失若乃陽春敷華遇衝風而隕落素葉

變秋既究物而定體麗物若假醜器多牢華壁易碎金鐵難陶故
言多方者中難處也術饒津者要難求也意弘博者情難足也性
明察者下難事也通士曰四奇高人必有四難之忌且少言辭者
政不煩也寡知見者物不擾也專一道者思不散也混濛蔑者民
不備也質士曰四短違人必有四安之報故曹參相齊寄託獄市
欲令姦人有所容立及爲宰相飲酒而已故夫安劉氏者周勃正
嫡位者周勃大臣木強不至華言孝文上林苑欲拜胥夫釋之前
諫意崇敦朴自是曰降其爲宰相皆取堅強一學之士安用奇才
使變典法

藝文類聚
二十二

弔伯夷

余曰王事適彼洛師瞻望首陽敬弔伯夷東海讓國西山食薇重
德輕身隱景潛暉求仁得仁報之仲尼沒而不朽身沈名飛

藝文
類聚

三十
七

徐幹

幹字偉長北海人辟司空曹操府除上艾長日疾不行歷軍謀祭酒掾五官將文學有中論六卷集五卷

齊都賦

齊國實坤德之膏腴而神州之奧府其川瀆則洪河洋洋發源崑崙九流分逝北朝滄淵驚波沛厲浮沫揚奔南望無垠北顧無鄂蒹葭蒼蒼芡菰沃若瑰禽異鳥辟萃乎其間帶華蹈縹披紫垂丹應節往來翕習翩翩靈芝生乎丹石發翠華之煌煌其寶玩則玄蛤抱璣駿蚌含瑞

藝文類聚六十一水經河水注一

景阿之崇

書鈔一百四十六

三酒既醇

五齊惟醕

書鈔一百四十八

青春季月上除之良無大無小祓于水陽

初學記四

纖纚細纓薄配蟬翼自尊及卑頃我元服

御覽六百八十六

蘭豕臠羔烹鼈膾鯉嘉旨雜選豐實左右前徹後著惡可悉數

青

一百四

窗櫺參差景納陽軒

文選曹子建贈徐幹詩注

構夏殷日宏覆起層榭日高躍龍楹螭楨山岳雲牆其後宮內庭

嬪妾之館眾偉所施極巧窮變然後脩龍楹遊洪池折珊瑚破琉

璃日既仄而西舍乃反宮而棲遲歡幸在側便嬖侍隅含清歌日

詠志流玄眸而微眄竦長袖日合節紛紛翩翩其輕迅王乃乘華玉

之輅駕玄駿之馭翠握浮游金光皎皎戎車雲布武騎星散鉦鼓

雷動旌旗虹亂盈平靈圖之中于是羽族咸興毛羣盡起上徹穹

庭下被皋鼓

藝文類聚六十一御覽三百三十八

矢流鏑絳張羅縠飛鋌抱雄戈

御覽三十九

西征賦

奉明辟之渥德、與遊軫而西伐、過京邑、目釋駕、觀帝居之舊制、伊
吾儕之挺力、獲載筆而從師、無嘉謀、目云補、徒荷祿而蒙私、并小
人之所幸、雖身安而心違、庶區宇之今定、入告成乎后皇、登明堂
而飲至、銘功烈乎帝裳、藝文類聚五十九

序征賦

余因茲目從邁兮、聊賜目乎所經、觀庶士之繆殊、察風流之濁清、
沿江浦目左轉、涉雲夢之無陂、從青冥目極望、上連薄乎天維、刊
梗林目廣塗、愼沮洳目高蹠、攀循環其萬般、互千里之長溜、行兼
時而易節、迄玄氣之消微、道蒼神之受謝、逼鶉鳥之將栖、慮前事
之既終、亦何爲乎久稽、乃振旅目復蹤、沂朔風而北歸、及中區目
釋勤超栖遲而無依、藝文類聚五十九

哀別賦

秣余馬目俟濟兮、心惶惶而不盡、仰深沈之掩謫兮、重增悲目傷

情初學記

嘉夢賦序

昔嬴子與其交遊于漢水之上其夜夢見神女初學記七

冠賦

纖麗細纓輕配蟬翼尊曰元飾貴爲首服君子敬慎自強不忒初學記二

十六

團扇賦

惟合歡之奇扇肇書鈔作非伊洛之纖素仰明月日取象規圓體之儀

度書鈔一百三十四御覽七百二又八百十四

車渠梳賦

圓德應規異從易安大小得宜容如可觀盛彼清醴承日瑯盤因

歡接口媚于君顏藝文類聚七十三

七喻

有逸俗先生者耦耕乎巖石之下栖遲乎窮谷之岫萬物不干其

志王公不易其好寂然不動莫之能懼

菟文類聚五十七

賓曰大宛之犧三江之魚雲鵠水鵠熊蹯豹胎

菟文類聚五十七書鈔一百四十二

引二條

若乃日異如飢聊膾美鮮橫者毫析縱者縷分白踰委毒赤過擒

丹

書鈔一百四十五引二條

南土之杭東湖之菰

初學記二十六

豐屋廣廈崇闕百里

文選陸倕石闕銘注

連觀飛榭旋室回房

文選魯靈光殿賦注又月賦注

黼黻施于宴室華蓀布乎象牀懸明珠于長韜燭宵夜而為陽玄

髣擬于雲霧豔色過乎芙蓉揚蛾眉而微睇雖毛施其不當

菟文類聚

五十

戰國之際秦儀之徒智略兼人辯利軼軌倜儻挾義觀釁相時圖

爵位則佩六綬、謀貨財則輸海內、一怒而諸侯懼、安居而天下
人主見弄于股掌之上、而莫之知惡也、御覽四百六十四

失題

總螭虎之勁卒、卽矯塗其如夷、書鈔十三

繁欽

欽字休伯、潁川人、爲丞相主簿、有集十卷、

暑賦

暑景未徂、時維六月、林鍾紀度、祝融司節、大火颺光、炎氣酷烈、沈
陽騰射、滯暑散越、區寓鬱烟、物焦人渴、煌煌野火、熾薄中原、翕翕
盛熱、蒸我層軒、溫風渙浼、動靜增煩、雖託陰宮、罔所避旃、乃灑白
汗、口口口口身如漆點、水若流泉、粉扇靡效、宴戲杪歡、庶望秋節、
慰我愁歎、藝文類聚五書鈔一百三十五初學記三

仰檢賦

駉炎夏之白日、救隆暑之赫曦、文選潘岳在懷縣詩注

明口賦

脣實範綠、眼惟雙穴、雖蜂膺眉豎梓、書鈔一百五十八案此有脫誤

愁思賦初學記作秋思賦

何見秋之惜懷、處寒夜而懷愁、風清涼曰激志、今樹動葉而鼓條、雲朝隋于西汜、今遂憤薄于丹丘、潛白日于玄陰、今駉朗月于重幽、零雨濛其迅集、潢潦汨曰橫流、聽峻階之回露、心沈切曰增憂、嗟王事之靡盬、士感時而情悲、願出身曰徇役、式簡書曰忘歸、時陟岵曰旋顧、涕漸纓而鮮晞、聽鳴鶴之哀音、知我行之多違、悵俯仰而自憐、志荒咽而摧威、聊弦歌曰厲志、勉奉職于閭闔、魏文類聚三十

五初學記三

弭愁賦

傷有閑之淑女、採薛荔于朝陽、露素質之皎皎、結玄髮曰流光、結

翠葉于珠簪，攏丹華于綠房。點圓的之熒熒，映雙輔而相望。襲遊
閑之妓服，稱阿穀之桂裳。紉腕蘭于纓佩，動掩曖曰遺芳。旣容冶
而多好，且妍惠之纖微。願見子之獨立，知我情之思歸。鳴環瑱曰
回眄，若欲進而行遲。眷紅顏之曄曄，何的皪之少羣。整桂冠而自
飾，敷綦藻之華文。從景炎而猗靡，粲綿邈曰繽紛。時瞭眇曰含笑，
收婉媚曰愁人。魏文類聚三十五

述征賦

時三月之暮春，逼干戈之急難。御覽三百五十

述行賦

茫茫河濱，實多沙塵。文選謝靈運擬魏太子鄴中集詩注

涉洙泗而飲馬兮，恥少長之斷斷。史記魯世家索隱引繁欽述行賦

避地賦

朝余發乎泗洲，夕余宿乎留鄉。水經濟水注二

征天山賦

案御覽三百五十三題作撰征賦

有漢丞相武平侯曹公仗節東征，口六軍于三江，浮五湖，日耀武素甲，玄燄皓肝，流光左駢，雄戟右攢，干將彤弧，朱矰丹羽，絳房望之如火，燄奪朝陽，華旗翳雲霓，聚刃曜日鉞，于是輶輜雲趨，威弧雨發，鉦鼓雷鳴，猛火風烈，躍刀霧散，虜鋒摧折，呼吸無聞，醜類剝滅。

藝文類聚五十九御覽三百三十九三百五十三

建章鳳闕賦

築雙鳳之崇闕，表大路以遐通，上規圓以穹隆，下矩折

文選陸倕石闕銘注

作矩

而繩直，長楹森以駢停，修栢揭以舒翼，象玄圃之層樓，肖華

蓋之麗天，當蒸暑之暖赫，步北楹而周旋，鵠鵬振而不及，豈歸雁之能翔，抗神鳳以甄營，似虞庭之鏘鏘，樞六翮以撫跼，俟高風之清涼，華鍾金獸，列在南廷，嘉樹蓊蔓，奇鳥哀鳴，臺榭臨池，萬種千名，周欄輦道，屈繞紆縈。

藝文類聚六十二

三胡賦

莎車之胡黃目深精員耳狹頤康居之胡焦頭折頸高輔陷口眼

無黑眸

頰無餘肉

鬬賓之胡而象炙蠅頂如持囊隅目赤眚洞頰

仰鼻

御覽三百六十九三百八十二

御覽九百六十六

桑賦

上似華蓋紫極北形下象鳳闕萬桷一楹叢枝互出乃錯乃并

甍隆暑涼風自生微條纖繞隨風浮沈陽蜩鳴其南枝寒蟬噪其

北陰秋風忽其將來咸感節而悲吟玩庇蔭之厚惠情眷眷而愛

深

藝文類聚八十八御覽九百五十五

柳賦

有寄生之孤柳託余寢之南隅順肇陽已吐牙因春風已揚敷交
綠葉而重葩轉紛錯已扶疏鬱青青已暢茂紛冉冉已陸離浸朝

露之清液曜華采之猗猗

藝文類聚
八十九

與魏太子書

正月八日壬寅領主簿繁欽死罪死罪近屢奉賤不足自宣頃諸
鼓吹廣求異妓時都尉辭訪車子年始十四能喉嚨引聲與笙同
音白上呈見果如其言即日故共觀試乃知天壤之所生誠有自
然之妙物也潛氣內轉哀音外激大不抗越細不幽散聲悲舊筋
曲美常均及與黃門鼓吹溫胡迭唱迭和喉所發音無不響應曲
折沈浮尋變入節自初呈試中間二旬胡欲傲其所不知尙之已
一曲巧竭意匱既已不能而此孺子遺聲抑揚不可勝窮優遊轉
化餘弄未盡暨其清激悲吟雜以怨慕詠北狄之遐征奏胡馬之
長思悽入肝脾哀感頑豔是時日在西隅涼風拂衽背山臨嶺流
泉東逝同坐仰歎觀者俯聽莫不泣泣殞涕悲懷慷慨自左驥史
妣謇姐名倡能識已來耳目所見僉曰詭異未之聞也竊惟聖體

兼愛好奇，是目因牋先白委曲，伏想御聞必含餘懼，真事速詆，旋
傳光塵，寓目階庭，與聽斯調，宴喜之樂，蓋亦無量，欽死罪死罪。

藝文類聚四十三
御覽五百七十三

爲史叔良作移零陵檄

金鼓震天，丹旌曜野，巨壘旣設，御覽三百
三十六

川里先生訓

處則抗區外之志，出則規非常之功，實哲士之高趣，雅人之遠圖，
故呂尚垂翼北海，呂待鷹揚之任，黃綺削迹南山，呂集神器之贊。

藝文類聚
三十六

硯頌

有般倕之妙匠兮，睨詭異于遐都，稽山川之神瑞兮，識璿璣之內
敷，遂榮繩于規矩兮，假卞氏之遺模，擬渾靈之肇制兮，效羲和之
毀隅，鉤三趾于夏鼎兮，象辰宿之相扶，供無窮之妙用兮，御几筵

而優遊初學記二十一

硯讚

顧尋斯硯乃生翰墨自昔頡皇傳之罔極或薄或厚乃圓乃方如地象圓如天常班采散色漚染豪芒點黛文字耀明典章施而不德吐惠無疆浸漬甘液吸受流光藝文類聚五十八又初學記二十一三引

尙書箴

龍作納言帝命惟允山甫翼周實司喉吻赫赫禁臺萬邦所庭无曰我平而慢爾衡无曰我審而怠爾明四岳阿骸績用不成虞登八凱五敎聿清舉涉其私乃忝服榮正直是與伊道之經先人匪懈永世流聲君子下問敢告侍廷初學記十一案古文苑曰爲崔駰作

威儀箴

其有退朝偃息閑居營操弄碁文局樛補言不及義負勝是圖七百五十四

嘲應德捷文

應德溫云昔與季叔才俱到富波飲于酒肆日暮留宿主人有養
女年十五肥頭赤面形似鮮卑偶說之夜與通姦便住足下御覽
八百

二十
八

巨雋碑

故右扶風都尉主簿有巨雋者從都尉討叛胡官兵敗績卒伍奔
散都尉臨陣墮馬雋于是下馬授甲曰身禦寇遂死戰場都尉乘
雋馬得免御覽三百二十五
又四百二十一

賜進士出身二品銜廣東學處提刑按察使司按察使兼管驛傳事務黃岡王毓藻校刊

全後漢文卷九十三終

全後漢文卷九十四

烏程嚴可均校輯

路粹

粹字文蔚，陳留人。師事蔡邕。建安初，擢拜尚書郎，後爲曹公軍謀祭酒。典記室，轉秘書郎中令。從軍至漢中，坐違法誅。有集二卷。

枉狀奏孔融

少府孔融，昔在北海，見王室不靜，而招合徒衆，欲規不軌。云我大聖之後，而見滅于宋。有天下者，何必卯金刀。及與孫權使語，謗訕朝廷。又融爲九列，不遵朝儀，禿巾微行，唐突宮掖。又前與白衣禰衡跌蕩放言，云父之于子，當有何親，論其本意，實爲情欲發耳。子之于母，亦復奚爲。譬如寄物瓶中，出則離矣。旣而與衡更相贊揚，衡謂融曰：仲尼不死，融答曰：顏回復生。大逆不道，宜極重誅。後漢孔融

全後漢文卷九十四

傳曹操既積嫌忌而鄒慮復構成其罪遂令丞相軍謀祭酒路粹枉狀奏融又見魏志王粲傳注引典略與此小異爲曹公與孔融書

蓋聞唐虞之朝有克讓之臣故麟鳳來而頌聲作也後世德薄猶有殺身爲君破家爲國及至其微睚眦之怨必讎一餐之惠必報故鼂錯念國遭禍于袁盎屈平悼楚受譖于椒蘭彭寵傾亂起自朱浮鄧禹威損失于宗馮由此言之喜怒憂愛禍福所因可不慎與昔廉藺小國之臣猶能相下寇賈倉卒武夫屈節崇好光武不問伯升之怨齊侯不疑射鉤之虜夫立大操者豈累細故哉往聞二君有執法之平已爲小介當收舊好而怨毒漸積志相危害聞之撫然中夜而起昔國家東遷文舉盛歎鴻豫名實相副絲連經學出于鄭玄又明司馬法鴻豫亦稱文舉奇逸博聞誠怪今者與始相違孤與文舉旣非舊好又于鴻豫亦無恩紀然願人之相美不樂人之相傷是曰區區思協歡好又知二君羣小所構孤爲人

臣進不能風化海內，退不能建德和人，然撫養戰士，殺身為國，破
浮華交會之徒，計有餘矣。後漢孔融傳：案文選任昉王文憲集序注引路粹為曹公與孔融書云：邀一
言之譽者，計有餘矣。證知此文是路粹作。今此無遺一言之譽者，范史有刪節也。

丁冲

冲，沛郡人。興平中，為黃門侍郎。建安初，遷司隸校尉。日飲醉爛
腸死。

與曹公書

足下平生常喟然有匡佐之志，今其時矣。魏志陳思王傳注引魏略

丁儀

儀字正禮，冲子。眇一目，為丞相掾，進尚書。曹丕即王位，轉右刺
姦掾，坐與曹植善，下獄誅。有集二卷。

厲志賦

覽前志而博觀，求余心之所安。雖疲駑而才弱，敢舍力而不攀。整

躬稼之克在賤善射而隕殘羨首陽之遺魯憎千駟之餘訕宗舍
藏之偉節薄鼎角之自干嘉法言之令揚悼說難之喪韓鑿登險
之敗績願清道曰自閑瞻亢龍而懼進退廣志于伐檀雖德厚而
祚卑猶不忘于盤桓薰曰芬香而自燒兔亦取斃于毫翰援大雅
曰爲戒眺襲勝而自歎嗟世俗之參差將未審乎好惡咸隨情而
與議固眞僞曰紛錯穢杯孟之周用令瑚璉曰抗閭恨驟驥之進
庭屏騏驥于溝壑疾青蠅之染白悲小弁之靡託惡晨婦之蒙厚
痛三代之見薄惟受性之樸拙亮未達乎測度顧鍾子之旣沒牙
輟絃而不作鼓三思之彌憤動循牆之茲恪勉夕改曰補朝履日
新而悔昨目上裁文類聚二十六苟神祇之我昭永明日而無怍文選沈約奏碑王源

周成漢昭論

成王昭帝俱曰襁褓之幼託于冢宰流言譏異此其所值艱險相

似者也。夫已發金縢然後垂泣，與計日而便覺詐書明之遲速，既有差矣。且叔父兄子，非相嫌之處；異姓君臣，非相信之地。霍光置人諷而不出，周公賴天變而得入，推此數者，齊本而論末，計重而況輕。漢昭之優周成，甚明者也。成王秀而獲實，其美在終；昭帝苗而未秀，其得在始，必不得已而論二主。余與夫始者，藝文類聚十卷二御覽八十

振短翮與鸞鳳竝翔

文選沈約和謝宣城詩注

刑禮論

天垂象，聖人則之。天之爲歲也，先春而後秋；君之爲治也，先禮而後刑。春，曰生長爲德；秋，曰殺戮爲功。禮，曰教訓爲美；刑，曰威嚴爲用。故先生而後殺，天之爲歲；先教而後罰，君之爲治也。天不曰久遠更其春冬，而人也得曰古今改其禮刑哉！太古之世，民故質樸，質樸之民，宜其易化。是曰中古之君子，或結繩已治，或象刑惟明。

夏后肉辟民轉姦詐刑彌滋繁禮亦如之由斯言之古之刑省禮亦宜略今所論辨雖出傳記之前夫流東源不得西景正形不得傾自然之勢也後世禮刑俱失于前先後之宜故自有常今夫先刑者用其末也由禮禁未然之前謂難明之禮古人不能行也案如所云禮嫂叔不親之屬也非太古之禮也所云禮者豈此也哉古者民少而獸多未有所爭民無患則無所思故未有君焉後民禍多強暴弱于是有賢人焉平其多少均其有無推逸取勞曰身先之民獲其利歸而樂之樂之得爲君焉夫刑之記君也精具筋力民畏其強而不敢校得爲君也恐上古未具刑罪之品設逋亡之法懼彼爲我而曰勇力侵暴于己能與則校不能歸奉之明矣且上古之時賊耳非所謂君也上古雖質宜所曰爲君會當先別男女定夫婦分土地班食物此先曰禮也夫婦定而後禁淫焉貨物正而後止竊此後刑也

丁廙

廙字敬禮，儀弟。初辟公府。建安中，爲黃門侍郎。文帝卽王位，與兄儀并誅，有集二卷。

蔡伯喈女賦

伊大宗之令女，稟神惠之自然。在華年之二八，披鄧林之曜鮮。明六列之尙致，服女史之話言。參過庭之明訓，才朗悟而通玄。當三春之嘉月，時將歸于所天。曳丹羅之輕裳，戴金翠之華鈿。羨榮曜之所茂，哀寒霜之已繁。豈偕老之可期，庶盡歡于餘年。何大願之不遂，飄微軀于逆邊。行悠悠于日遠，入穹谷之寒山。慙柏舟于千祀，負冤魂于黃泉。我羈虜其如昨，經春秋之十二。忍胡顏之重恥，恐終風之我萃。詠芳草于萬里，想音塵之髣髴。祈精爽于交夢，終寂寞而不至。哀我生之何辜，爲神靈之所棄。仰薜華其已落，臨桑榆之歔歔。入穹廬之秘館，亟踰時而經節。歎殊類之非匹，傷我躬。

之無說循盾體已深念歎蘭澤之空設佇美目于胡望向凱風而

泣血

藝文類聚三十

彈基賦

文石爲局金碧齊精隆中夷外敘理肌平卑高得適既安且貞基則象齒選乎南海禮密身重腹隱頭窩驍悍說敏不輕不軒列數二八取象官軍徽章采列爛焉可觀于是二物既設主人延賓粉石霧散六師列陳迹行王首左右相親成列告誓三令五申事中軍政言含禮文號令既通兵基啟路運若迴懸疾似飛兔前中卻備賈其餘怒風馳火燎令牟取五恍哉忽兮誠足慕也若夫氣竭力殘弱膽怯心進不及敵中路爲擒仁而不武春秋所箴剛優勁勇忿速輕急推敵阻隧我廢彼立君子去是過猶不及

藝文類聚七十四

崔琰

琰字季珪清河東武城人師事鄭玄袁紹召爲騎都尉曹公平

冀州辟爲別駕從事歷丞相東曹掾遷中尉曰忤意賜死

述初賦 并序

郁州者故蒼梧之山也心說而怪之聞其上有僊土石室也乃往

觀焉見一道人獨處休休然不談不對顧非己所及也 木經崔木

八登州山曰望滄海 封氏開見記六引 致性頑口訥至二十九初

關書傳聞北海有鄭徵君者當世名儒遂往造焉道由齊都而作

述初賦曰 魏文類聚

有鄭氏之高訓吾將往乎發矇濯余髮于蘭池振余佩于清風望

高密曰亟征戾衡門而造止覲游夏之教哉聽大猷之篇記高洪

崖之耿介義安期之長生登州山曰永望臨洞浦之廣溟左揚皮

于陽谷右濯岸于濛汜運混元曰升降與三光而終始蓬萊蔚其

潛興瀛壖蜺曰駢羅列金臺之巉巖方玉闕之峩峩 魏文類聚二

六

倚高閣日周昞兮觀秦門之將將水經注

吾夕濟于郁州水經注

朝發兮樓臺回盼兮句榆頓食兮島山暮宿兮郁州封氏聞見記六

奏記曹公讓邴原等

徵事邴原議郎張範皆秉德純懿志行忠方清靜足已厲俗貞固

足已幹事所謂龍翰鳳翼國之重寶舉而用之不仁者遠魏志邴原傳

露版答曹公

蓋聞春秋之義立子呂長加五官將仁孝聰明宜承正統玆曰死

守之魏志崔琰傳

諫世子書

蓋聞盤于游田書之所戒魯隱觀魚春秋譏之此周孔之格言二經之明義殷鑒夏后詩稱不遠子卯不樂禮曰為忌此又近者之得失不可不深察也遠族富彊公子寬放盤游滋侈義聲不聞哲

人君子俄有色斯之志能罷壯士墮于吞噬之用固所已擁徒百
萬跨有河朔無所容足也今邦國殄瘁惠康未洽士女企踵所思
者德況公親御戎馬上下勞慘世子宜遵大路慎日行正思經國
之高略內鑒近戒外揚遠節深惟儲副日身為寶而猥襲虞旅之
賤服忽馳驚而陵險志雉兔之小娛忘社稷之為重斯誠有識所
日惻心也唯世子燔燭捐禮日寒眾望不令老臣獲罪于天

魏志
崔琰

與葛元甫書

今遣送許子十卷貧不及素但日紙耳

北堂書鈔
一百四

視楊訓褒贊魏王表與訓書

省表事佳耳時乎時乎會當有變

魏志崔
琰傳

大將軍夫人寇氏誄

英雄景附

文選七
命注

毛玠

玠字孝先，陳留平丘人。曹公辟爲治中從事，轉幕府功曹，尋爲丞相東曹掾，遷右軍師。魏國建，爲尙書僕射。玠忤旨，下獄免，卒于家。

對狀

臣聞蕭生縊死，困于石顯；賈子放外，讒在絳灌。白起賜劔于杜郵，晁錯致誅于東市。伍員絕命于吳都，斯數子者，或妒其前，或害其後。臣垂齟執簡，累勤取官，職在機近，人事所窺。屬臣曰私，無勢不絕。語臣曰冤，無細不理。人情淫利，爲法所禁；法禁于利，勢能害之。青蠅橫生，爲臣所誼。謫臣之人，勢不在他。昔王叔陳生，爭正王廷，宣子平理，命舉其契，是非有宜，曲直有所。春秋嘉焉，是曰書之。臣不言此，無有時人。說臣此言，必有徵要。乞蒙宣子之辨，而求王叔之對。若臣曰曲聞，卽刑之日，方之安駟之贈，賜劔之來，比之重賞。

之惠謹目狀對

魏志毛玠傳

王脩

脩字叔治北海營陵人孔融召爲主簿守高密令復守膠東令袁紹辟除卽墨令曹公辟爲司空掾行司金中郎將遷魏郡太守魏國建目爲大司農郎中令徙奉常病卒有集三卷

四孤議

當須分別此兒有識未有識耳有識目往自知所生雖創更生之命受育養之慈枯骨復肉亡魂更存當目生活之恩報公嫗不得出所生而背恩情報生目死報施目力古之道也

通典六十九

奏記曹公陳黃白異議

臣聞枳棘之林無梁柱之質涓流之水無洪波之勢是目在職七年忠謹不昭于時功業不見于事欣于所受俯慙不報未嘗不長夜起坐中飯釋餐何者力少任重不堪而懼也謹貢所議如左

魏志

王脩傳注
引魏略

誠子書

自汝行之後，恨恨不樂。何者？我實老矣，所恃汝等也。皆不在目前，意遑遑也。人之居世，忽去便過，日月可愛也。故禹不愛尺璧而愛寸陰，時過不可還。若年大不可少也。欲汝早之，未必讀書，并學作人。汝今踰郡縣，越山河，離兄弟，去妻子者，欲令見舉動之宜，效高人遠節，聞一得三，志在善人，左右不可不慎。善否之要，在此際也。行止與人，務在饒之。言思乃出行，詳乃動，皆用情實道理。違斯敗矣。父欲令子善，唯不能殺身，其餘無惜也。藝文類聚二十三
御覽四百五十九

鮑衡

衡，建安中爲侍中。

奏請公卿將校子弟詣博士

案王制立大學小學，自王太子以下，皆敎以詩書，而升之司馬，謂

賢者任之目官故能致刑措之盛立太平之化也今學博上竝設表章而無所教授兵戎未戢人竝在公而學者少可聽公卿二千石六百石子弟在家及將校子弟見爲郎舍人皆可聽詣博士受業其高才秀達學通一藝太常爲作品式通典五十三

霍性

性新平人官度支中郎將曹丕嗣魏王位將南征召諫被殺

諫魏王南征疏

臣聞文王與紂之事是時天下括囊無咎凡百君子莫肯用諷今大王體則乾坤廣開四聰使賢愚各建所規伏惟先王功無與比而今能言之類不稱爲德故聖人曰得百姓之歡心兵書曰戰危事也是曰六國力戰彊秦承弊幽王不爭周道用興愚謂大王且當委重本朝而守其雌抗威虎臥功業可成而今搆基便復起兵兵者凶器必有凶擾擾則思亂亂出不意臣謂此危危于累卵昔

夏啟隱神三年，易有不遠而復，論有不憚改，誠願大王撥古察今，深謀遠慮，與三事大夫算其長短。臣沐浴先王之遇，又初改政，復受重任，雖知言觸龍鱗，阿諛近福，竊感所誦，危而不持。魏志文帝紀注引魏略

華佗

佗字元化，沛國譙人。沛相陳珪舉孝廉，太尉黃琬辟，皆不就。精方藥，建安中，司空曹公召視疾，乞歸，累呼不至，見殺。

食論

苦茶久食益意思

御覽八百六十七

皇甫隆

隆，建安中方士。

見博物志。案魏志倉慈傳注引魏略：嘉平中，有安定皇甫隆爲敦煌太守，上距建安三十餘

年未知卽其人否也。

上疏對曹公

臣聞天地之性，惟人爲貴。人之所貴，莫貴于生。唐荒無始，劫運無窮。人生其間，忽如電過。每一思此，罔然心熱，生不再來，逝不可追。何不抑情養性，自自保惜？今四海垂定，太平之際，又當須展才布德，當由萬年，萬年無窮，當由修道，道甚易知，但其能行，臣常聞道人柳京，已年一百七十八，而甚丁壯，言人當朝朝服食玉泉，琢齒使人丁壯，有顏色，去三蟲而堅齒。玉泉者，口中唾也。朝旦未起，早漱津，令滿口，乃吞之，琢齒三七遍，如此者，乃名曰練精。千金方八十一

張松

松，蜀郡人，爲劉璋別駕從事。

與先主及法正書

今大事垂可立，如何釋此去乎？

劉志先主傳

關羽

羽字雲長，本字長生，河東解人。建安五年，爲偏將軍，封漢壽亭

侯蜀主定荊州拜襄陽太守、熲寇將軍、尋董督荊州事、進前將

軍爲吳呂蒙所襲見殺、追諡曰壯繆侯、

與諸葛亮書問馬超

超人才可誰比類、

蜀志關羽傳

案侯文可見者僅此耳山西通志及人臚集藏封還曹操所賜告辭書楊慎古

文韻語董斯張廣博物志凌義渠湖州錄載上玉璽牋皆近人擬撰不錄

封還曹操所賜告辭書

竊曰日在天之上、心在人之內、日在天之上、普照萬方、心在人之內、曰表丹誠、丹誠者信義也、某昔受降之日、有言曰、主亡則輔、主存則歸、新受曹公之寵顧、久蒙劉主之恩光、丞相新恩、劉主舊義、恩有所報、義無所斷、今之主託、某曰之望、形立相、覓迹求功、刺顏良于白馬、誅文丑于南坡、丞相厚恩、滿有所報、每謂所賜之物、盡在府庫封藏、伏望台慈、俯垂鑒照、

人臚案此後人所依託

周瑜

瑜字公瑾廬江舒人太尉景從孫與孫策共定江東還鎮丹陽授建威中郎將尋爲中護軍領江夏太守南鎮巴丘召赤壁功拜偏將軍領南郡太守尋謀取蜀道卒案周瑜或爲三國佐文積疑久之博訪通人定歸漢末漢運終于建安二十五年瑜卒于十五歲卒于十七年魯肅卒于二十二年關壯繆呂蒙卒于二十四年皆召卒年爲斷

疏論劉備

劉備召梟雄之姿而有關羽張飛熊虎之將必非久屈爲人用意者愚謂大計宜徙備置吳盛爲築宮室多其美女玩好召娛其耳目分此二人各置一方使如瑜者得挾與攻戰大事可定也今猥割土地召資業之聚此三人俱在疆場恐蛟龍得雲雨終非池中物也

吳志則瑜傳

疏薦魯肅

當今天下方有事役是瑜乃心夙夜所憂願至尊先慮未然然後

康樂今既與曹操為敵劉備近在公安邊境密邇百姓未附宜得良將呂鎮撫之魯肅智略足任乞呂代瑜瑜隕路之日所懷盡矣

吳志魯肅傳

疾困與吳主權賤

瑜曰凡才昔受討逆殊特之遇委以腹心遂荷榮任統御兵馬志執鞭弭自效戎行規定巴蜀次取襄陽憑賴靈威謂若在握至已不謹道遇暴疾昨自醫療日加無損人生有死修短命矣誠不足惜但恨微志未展不復奉教命耳方今曹公在北疆場未靜劉備寄寓有似養虎天下之事未知終始此朝士肝食之秋至尊垂慮之日也魯肅忠烈臨事不苟可呂代瑜人之將死其言也善儻或可採瑜死不朽矣

吳志魯肅傳注引江表傳 裴松之案此 嚴與本傳所載意旨雖同其辭平異耳

魯肅

肅字子敬臨淮東城人孫權統事呂為贊軍校尉與周瑜共拒

曹公進奮武校尉代瑜領兵拜漢昌太守偏將軍轉橫江將軍遺劉先主書

龐士元非百里才也使處治中別駕之任始當展其驥足耳蜀志龐統傳

答吳主權書

帝王之起皆有驅除羽不足忌吳志呂蒙傳

呂蒙

蒙字子明汝南富陂人孫策時張昭薦爲別駕司馬孫權統事拜平北都尉進橫野中郎將呂赤壁功拜偏將軍領尋陽令呂濡須功拜廬江太守呂合肥功拜左護軍虎威將軍尋代魯肅爲漢昌太守呂襲荊州功拜南郡太守封孱陵侯

疏請治疾

羽討樊而多留備兵必恐蒙圖其後故也蒙常有病乞分士眾還

建業、曰治疾爲名、羽聞之、必撤備兵、盡赴襄陽、大軍浮江、晝夜馳上、襲其空虛、則南郡可下、而羽可禽也、吳志呂蒙傳

賜進士出身、二品銜廣東等處提刑按察使司按察使兼管驛傳事務黃岡王毓、按察使司

全後漢文卷九十四終